

道教義樞卷之三

諸六

道教義樞卷之三

諸六

青溪道士孟安排集

兩半義第八

道意義第九

十善義第十

因果義第十一

兩半義第八

義曰兩半義者凡夫識業起自氤氳欲深飄
流淪斯顛倒若能反出則還處自然信任流
來終嬰罪垢此其致也定志經云兩半成一

其義有五本際經云因緣兩半也

釋名體曰兩是二義半語未全成是已就一言會合理一論二故有半名合二為一故有成耦也其五義者初來五義通深心為體反出五處合色心為體舊解云以陰陽二炁為

謂六

兩半陰有陰中之陰陽有陽中之陽就於和炁合五義也謹尋經意未見此旨今明定志經云凡有三不亦以明五義第一不亦明流來通欲第二不亦明初起別欲第三不亦明反出之義初一不亦明流來通欲者此即兩

半之義故一通凡有五品即為五義謂界外
氤氲為一半界內四滌為一半合成通欲為
成一其五品者一氤氲之生三界外二无色
界滌三色界滌四欲界滌五三惡道滌所欲
以爾者定志經云不亦於彼清虛之炁因氤
氲之交分半下降就此四半合為一耶此明
神本清虛氤氲妄起氤氲望界內稱之為半
若望清虛亦稱為半今言分半者正是分聖
望清虛之氤氲為界外之一半下就界內之
四半合成一通欲也欲初來之日未有五處

望反出時驗有此五何者反出之時還用此
處深潤得此處報故也但最初一運即惱即
業因果因時任業流來至五品自輕之重同
類相生以為因果然初念起或復何所因今
明顛倒所生无有根本若有根本何名顛倒
所以知氤氳是顛倒者經云氤氳之交交是
交亂猶顛倒之義也此言因者還是顛倒有
故云初念即惱即業若爾經云何言神本澄
清既本澄清何不澄清為本耶今明經說澄
清為本者即示无本既其澄清復有何物若

其有物何謂澄清故西昇經云本出虛无既
知顛倒本來无本即知生死本來无始既知
本來无始豈得今來有終故盟威經云衆生
根本亦无始終本際經云衆生根本相畢竟
如虛空妄想入生死夢幻无始終今言九聖
爲終氤氳爲始者是不終爲終不始爲始既
以不始爲始无本爲本故云本於虛无與澄
清也故本際經云氤者因也氳者暖也世間
之法因暖潤氣而得出生是初一念始生倒
想體最輕薄猶如微烟能障道果无量知見

作生死本元不可測故稱神本神即心耳心
无所有故曰澄清但是輕癡未深見著故名
无著也第二不亦明初起別欲者有解云別
欲所生本於通欲初起極輕與其四民所斷
氤氳等漸漸之重與五處同後若退輕如四

第六

三

民重名為習然依氤氳起所以知然者以四
民之位正斷習然也但別欲若重任感惡道
得其輕報何者經云不亦惑此假一而為惡
者致招自然之然淪於三徒乎此明緣通欲
假一起於別欲得三徒報任業自招故言自

然耳通欲言假者此是習因相連為續假也
然初任生惡亦任生善今明惡是濫生所以
得自起善是研習所以不得自生也第三不
亦明反出義者謂持五戒等善離惡道半淨
口業善離欲界半淨身業善離色界半淨心
業善離无色界半離四半已修无欲觀以離
氤氲既離反兩半本處於自然正真道果也
所以然者經云不亦為善離此四半還登太
虛復我清虛之炁反我兩半之本處於自然
乎此明離界内四染故云離四半登太虛斷

界外氤氳故言復清虛之炁反兩半之本進
登道果故云處於自然但知道果超出清虛
之本何者氤氳義在有清虛義在无若以无
本為本者此本雖終盡生死義猶未極義若
非有非无此乃為極昇玄經云真道者无不
无有不有能覺兩半豈不體之乎但或之所
計必有因緣因有傍正正者通欲同類相生
前念為因後念為果次第相因流至五處傍
是貪等別欲緣通欲起也

道意義第九

義曰道意者入道初心歸真妙趣斷生死之累成慧鑒之明絕有欲之津證无爲之果此其致也

釋曰括尋經旨且有五種一者自然道意謂初發自然之心上求道果下化衆生之大願

諸六

四

也但自然之名義可兩屬一者當因即是自然謂任業自然非他使也二者果名自然謂自然正道以化濟爲意能發此願與果相扶因受果名言自然也二者研習道意謂研習以解伏諸煩惑八素經云漸進修習轉得勝

明三者知真道意謂習行真智能鑒真理四
者出離道意謂出離三界到於道場五者无
上道意謂諸智莫過更无勝通名道意者謂
是正道之心亦是行前四心得後道果因合
名稱爲意又无上道心大慈爲本普濟群品
咸使歸真今上求道果即是歸真下化衆生
即爲濟物常運此願與道心同四意皆用此
心是故名道意也道意雖多今開五者前四
是因後一是果因果合明故爲五也

義曰十善者止滅愆釁則近證人天資生觀
慧則遠成真聖若能都遣還趣道場未即虛
忘且祖塵內此其致也本際經云五戒十善
得三界中七珍依報

釋曰一者不殺愍念放生二者不盜常行施

請六

五

惠三者不淫貞潔守慎四不兩舌諫諍解怨
五不惡口柔言善語六不妄言言必信實七
不綺語語必傳真八不貪欲清廉厭穢九不
瞋恚慈心及物十不邪見正解居懷亦不愚
癡常習智慧也然癡心之內兼有慢疑慢是

輕物疑則猶豫然十善之門義有行止止於
十惡行於十善行即是勸勸令修善止即是
戒戒令止惡也又十善體義者十惡既以貪
瞋癡三毒心爲體十善宜以廉慈惠三善根
爲體四施三捨四施者觀身經云財施身施
命施識施也財施者金玉資貨施施慈敬二
曰身施者身是六情四大明運軀役力救度
蒼生策勵身形遵奉大道亦救人危難三曰
命施者命是色心連持明盡其性命度人奉
道亦是救彼人命令其不斷色心得連爲施

四曰識施者識是識知智慧之法以智慧法
救度蒼生令彼識知名爲識施也四施之中
此施最重論其福報如經无盡河圖下篇云
受者施之有五一救貧病二造經書三立治
堂四建齋講五供身法服也今括論施不出
二種一者財施二者德施本際經云常施財
德攝引衆生有德以教愚有財以濟貧然財
施有盡德施无窮也

因果義第十一

義曰因果者示其邪正明此聖凡報應之理

无差苦樂之由有局若能雙除兩病必也同
會一宗此其致也

釋曰因有五名因緣行業根也因者因起亦
是因倚名果為用親而能生緣者助業得果
踈而能生行者涉行亦是進趨涉事行因當

諸六

六

體為目進趨來果功用為名業者義在動作
當體為名亦是造作來果功用為稱根者以
能生為義謂能生來果亦就用為名果有三
名果報對也果是酬因之目報是答因之名
也又因果體義者凡有二義一明出世因果

體者因以空解為體此解破世間故也被導
萬行為資生解緣明道成緣也果者以一切
智為體若因內近論因果者則初解為習因
生後之習果轉轉相生窮乎九聖大智若圓
即成道果此之因果與道德名二明世間因
果體者善惡二因苦樂二果若緣俱以色心
為體覆其正體唯是心法故靈寶經云善惡
報應正由心耳又以四句明之自有心因心
是果如習因生果自有色目色是果如種桃
還生桃自有色目心是果如附因與附果自

有心目色是果如十善得生天也又逐門爲
次明於果者大論入天是福果三徒是罪報
今論三界有樂无樂凡有二義一者三界皆
苦凡夫人天稱樂者此是妄樂而不說其爲
苦者次引物令修人天善根情說爲樂耳二

諸六

七

者說真解恬愉則任有此樂但體滯无常未
是真實欲引迷俗求於真解故說迷心是苦
解心是樂故定志經云欲者全是想耳想悉
是空既是空想即爲无樂然說有三時一說
三徒是苦凡夫人天是樂引其背惡入善諸

經皆有此文二說人天亦苦真聖是樂三明
真聖亦苦須知世間之內有苦樂常无常淨
自在不自在若物能覺則稱為事物情不覺
則謂為理此非真道之理也若樂常淨及與
自在生死中但有其事而无其理以生死中
實无此四唯在道境具此四也常者寶玄經
云常住之道无祖无先自在者盟威經云湛
然常存隱顯自在在此自在者亦是我義觀身
經云入我无形境長樂快安寧此即兼明我
樂也

道教義樞卷之三



